




保嬰撮要

一

中武
584
9





保嬰撮要序

余一日過薛立齋先生見先生蓬頭執卷紬繹尋思恍然如經
生下帷之狀先生以余至乃入戶理衣冠余締觀几案中皆殘
編斷簡皮殼脫落及取一卷閱之其點竄註釋較之經生下帷
者倍之矣余曰先生苦心哉先生曰醫之道不明世之愚天扎
者將何所控訴爲也而嬰兒爲甚夫嬰兒不能言也傳曰如保
赤子心誠求之雖不中不遠矣夫中其欲非難也尤須心誠求
之而況于疾痛癢癩變幻百出者邪今之醫者率執數方以求
試及其不効則曰命也夫按方以求病非因病以處方此與刻
舟膠柱者何異焉顧卒諉之命悲夫先生又曰真精合而人生
焉是人之身亦藉脾土以生茲蓋主本之論云今嬰兒雖未能
言然聲音之所悲號形氣之所宣揚意欲之所指向機未嘗不



高氏醫格 保嬰撮要目錄
可見也虛之實之扶之抑之古人之盛法俱在或晦而難辯或
雜而不分宐乎學醫者之望洋矣余曰願先生纂而約之余將
刻以傳焉先生唯唯余又曰頻年以來倭夷弗靖坵墟村落之
民耕織之所依者十亡二三也先生幸用心校之倘是書的然
可傳則今日之所生全者卽不必皆俊秀固亦雲漢之遺黎桑
榆之耕織也先生有餘仁矣書成于丙辰年正月余不佞爲之
識其篇端立齋先生名已官太醫院使蓋三吳世家云
嘉靖丙辰歲春正月吉日
賜進士第中憲大夫知蘇州府事前工科給事中閩林懋敬書

保嬰撮要目錄

卷一

初誕法

護養法

噤風撮口臍風

脉法

變蒸

肝臟症

心臟症

脾臟症

肺臟症

腎臟症

卷二

面上症

發搐

目睛翳動

唇口蠕動

驚搐目直

睡中驚動

目動咬牙

搖頭便血

偏風口噤

角弓反張

卷三

急驚

慢驚

驚癇

驚風

天鈞內鈞

盤腸氣痛

胎驚

胎風

五軟

五硬

卷四

風熱風症

痙症

夜啼

悲哭

胎症

解顙顙填顙陷

目症

耳症

鼻塞鼻衄

龜胸龜背

卷五

鶴膝行遲

齒遲

咬牙

語遲

瘡

滯頤

腹痛

腹脹

癖塊痞結

積滯

卷六

發熱

潮熱

寒熱

傷寒夾驚夾食

咳嗽

百辟內嗽

喘

黃疸

吐乳

吐舌弄舌

卷七

熱吐

寒吐噦逆

霍亂吐瀉

魘病

冷瀉

熱瀉

食瀉

驚瀉

諸痢

諸瘧

卷八

脫肛 脫門作癢 便血尿血

大便不通 小便不通 諸淋

遺尿 白濁 諸疳

二便色白

卷九

吐血 虛羸 胃氣虛寒

食積寒熱 腫脹 蛇蟲

疝氣 渴症 煩躁

泌夏

卷十

自汗 盜汗 噫氣

下氣 不寐 驚悸

吞酸 脾弱多困 尋衣撮空

喜笑不休

卷十一

腫瘍 潰瘍 胎毒發丹

傷食發丹 胎毒瘡瘍 熱毒瘡瘍

胎毒瘰癧 熱毒瘰癧 驚風結核

胎毒瘡疥 熱毒瘡疥 諸疳瘡疥

諸疳口瘡 熱毒口瘡

卷十二

疔瘡 時毒 流注

天蛇毒 天泡瘡 楊梅瘡

赤白遊風 發癩 黃水粘瘡

頭面瘡

眉煉

卷十三

喉痺

腮癰

臂癰

腋癰

腋癰

腹癰

臀癰

腿癰

鶴膝風

卷十四

肺癰肺痿

腸癰

痔瘡

下疳陰痿

便癰

囊癰

足指凍瘡

湯火瘡

翻花瘡

多骨疽

漏瘡

五瘤

卷十五

作痛不止

作嘔不止

出血不止

肌肉不生

發熱不止

大便不通

大便不止

小便不通

小便不止

作渴不止

敷寒藥藥

服敗毒藥

用刀針法

五善七惡

卷十六

跌仆外傷

跌仆內傷

舌斷唇傷

腦骨傷損

腹破腸出

陰囊被傷

金木所傷

漆瘡

風犬傷

瘡瘍發癰

破傷風

瘰癧

顛振

卷十七

痘疹受病之由

痘瘡輕重

腹脹氣促根窠不赤

發熱口渴煩躁不止

痘瘡出遲屬各經所主

泄瀉咬牙作渴

痘瘡發熱屬陰屬陽之異

痘瘡大便不通

欲靨不靨欲落不落

涕吐稠粘大便堅實

頂陷灰白瀉渴

寒戰咬牙飲水瀉渴

不靨悶亂噎氣腹脹

兩目生翳痘點凹凸

靨後發振咽痛不利

頭陷心煩狂躁氣喘

作痒抓破膿水淋漓

風邪搏於肌肉患疔蝕

癰症

水痘麻痘

痘瘡生癰毒

痘疔

夾疹痘

卷十九

痘稠密

痘吐瀉

痘自汗

痘塌

倒靨

癰爛

痘癩搐

痘風

痘潮熱

痘吐逆

痘咳嗽

痘喘症

卷二十

小便不和

痘便血或黑屎

痘瘡焮裂出血

痘衄血吐血

痘煩躁

痘腹痛

痘腰痛

痘面青

痘痕赤白

痘瘡

痘瘡痛

痘身疼

保嬰撮要目錄畢

保嬰撮要卷之一

薛氏醫按

吳郡薛鎧集

薛已驗

江都

魏一元校

初誕法

小兒初胎稟陰陽五行之氣以生臟腑百骸藉胎液以滋養受氣既足自然生育分娩之時口含血塊啼聲一出隨即嚙下而毒伏於命門遇天行時氣久熱或飲食停滯或外感風寒驚風發熱等因發為瘡疹須急於未啼時用軟帛裹指去其血用黃連豆豉硃蜜甘草解之後雖出痘亦輕矣有嚙入即時腹脹嘔吐短氣不乳者用茯苓丸治之但黃連性寒若稟母氣膏粱積熱者宜服若滋味淡薄胎氣元弱者又不宜用其硃砂固能解毒恐金石鎮墜不若只以牛黃分許蜜調與吮為佳世多用

犀角解毒丸其胎氣虛寒虛弱者及傷脾胃生氣甚致不育又有嬰兒因其難產或冒風寒而垂危者切不可便斷臍帶急烘綿絮包抱懷中急以胎衣置火中煨燒更用大紙捻於臍帶上往來燎之使煖氣入腹須臾氣復自甦尤戒浴沐恐腠理不密元氣發泄而外邪乘之也

黃連法臨月用黃連細切為末綿裹百沸湯拭口

甘草法預以甘草細切少許臨產時以綿裹沸湯泡蓋內覆溫

收生之際以軟綿裹指蘸甘草汁拭其口次用黃連法硃蜜法

硃蜜法用黃連細切沸湯泡良久濾淨拭兒口中吐去惡汁更

與硃砂一大豆許細研以蜜一蠅殼抹兒口服之非獨鎮心

定魄安神解毒更能益肝胆除煩熱辟邪氣也

又牛黃法與硃蜜同少加牛黃能益肝膽除熱定精神止驚邪

辟惡氣除小兒百病

茯苓丸

赤茯苓

黃連

胎冷用芍藥

枳殼

炒各等分

右為末煉蜜丸桐子大每服一丸乳汁化下

護養法

巢氏云小兒初生肌膚未實宜用舊絮護其背不可太煖更宜數見風日則血氣剛強肌肉緻密若藏於重幃密室或厚衣過煖則筋骨軟脆不任風寒多易致病衣服當隨寒熱加減但令背煖為佳亦勿令出汗恐表虛風邪易傷乳哺亦不宜過飽若宿滯不化用消乳丸治之陳氏所謂忍三分寒吃七分飽頻揉肚少洗澡要肚煖頭涼心胸涼皆至論也須令乳母預慎七情六淫厚味炙燻則乳汁清寧兒不致疾否則陰陽偏勝血氣沸騰乳汁敗壞必生諸症若屢用藥餌則臟腑陰損多致敗症可

不慎歟大抵保嬰之法未病則調治乳母既病則審治嬰兒亦必兼治其母為善

消乳丸

縮砂仁 陳皮 京三稜煨 蓬朮煨 神麴 麥芽各半

香附子炒一 以上為末麵糊丸麻子大每服二三九白湯下

噤風撮口臍風

小兒初生噤風者因胎中受熱毒流心脾生下復為風邪所搏致眼閉口噤啼聲不出舌上如粟口吐白沫在百日內見撮口者因胎熱兼風自臍入於心脾致面目黃赤氣息喘急啼聲不出舌強唇青聚口撮面腹脹青筋吊腸牽瘰吐白沫者不救法當疎利臍風者因斷臍之後為水濕風邪入於心脾致腹脹臍腫四肢柔直啼不吮乳甚者發搐先用龍膽湯天麻丸之類以

去痰涎後用益脾散之類補脾胃若臍邊青黑手拳口噤是為內搐不治受病之源皆因乳母七情氣鬱厚味積熱所致若爪甲黑伸引努力臍突者用大連翹飲子之類又斷臍不盈尺多患此者以舊綿燒灰摻之齒齦有泡如粟以帛裹指蘸溫水擦破口即開不用藥七日內患者百無一生古人治法大率如此又田氏治噤風用天南星末一錢片腦少許以指蘸薑汁擦齦立開丹溪用赤足蜈蚣去足炙為末以猪乳調五分徐徐灌之或用牛黃以竹瀝調服一字隨以猪乳滴於口中聖惠方用鬱金藜蘆瓜蒂為末水調搐鼻中錢氏云撮口因浴後拭臍風邪所入而作用益黃散補之無擇云視其齒齦有泡擦破口即開用真白僵蚕為末蜜調塗口內保嬰集云小兒百日臍風馬牙當作胎毒瀉足陽明火用針挑破以桑樹白汁塗之又云初生

小兒時時宜傳桑汁不然多有舌硬撮口之症竊謂臍風果因浴拭外傷皮膚者用綿灰或枯礬抹擦之即愈若因乳母肝脾鬱怒致兒為患當治其母若因剪臍短少或因束縛不醫或因牽動風入臍中或因鐵器斷臍冷氣傳於脾絡以致前症者口內有水泡急搗破去其毒水以艾灸臍中亦有生者
千金龍膽湯治月內臍風撮口四肢驚掣發熱吐乳及變蒸客忤鬼氣驚癇加入參當歸

龍膽草炒 釣藤鈎 柴胡 黃芩炒 桔梗
芍藥炒 茯苓 甘草各二錢五分 蠅螂二枚去翅足 大黃煨二錢五分
右為末每服一二錢水煎量兒加減
天麻丸治釣腸鎖肚撮口
天南星炮 白附子 牙硝 天麻 五靈脂

全蝎焙各錢一分 輕粉五分 巴豆霜一字
右為末每服一字薄荷湯調下

定命丹治天鈞撮口通痢痰熱

全蝎七枚 天麻 南星炮 白附子各二錢五分 朱砂
青黛各二錢五分 輕粉 麝香各五分 片腦一字
右為末米糊丸菜豆大每服一丸荊芥薄荷湯下先研半丸吹人鼻中

銀硃丸治胎風壯熱痰盛翻眼口噤或胎中蘊毒

水銀和棗肉研 全蝎 南星 朱砂各一錢 白附子一錢
牛黃 蘆薈各三分 鉛霜五分和水研 片腦一字 麝香五分
真僵蚕炒七個 共為末米糊丸芥子大每服三丸薄荷湯下

紫霜丸治變蒸發熱不解或食癇先寒後熱或乳哺失節宿滯

不化腹痛嘔吐或大便酸臭

代赭石煨用醋淬七次赤石脂各二兩杏仁五十箇巴豆仁三十枚去

右先將杏仁巴豆研成膏入代赭石脂末研勻湯浸蒸餅化粟米大每服三五丸米飲下

消食丸 方見黃胆

控痰散治風噤先用此藥吐風涎次與益胃散和胃又與辰砂

膏利驚握拳噤口者不治

蝎尾 銅青各五分朱砂一錢膩粉一字麝香少許

右為末每服一字茶清調下輕者勿用或以甘草湯吐之

甘草湯治撮口

甘草生一錢

右水煎以綿球蘸吮令出痰涎却以猪乳點入口中即瘥

益胃散

白茯苓 人參 甘草 木香濕紙裹煨 草果

陳皮 厚朴薑製 紫蘇子炒各等分

右為末每服一錢薑棗水煎

辰砂膏治眼閉口噤啼聲不出吮乳不得口吐白沫

辰砂三錢 鵬砂 馬牙硝各一錢五分 玄明粉 全蝎

真珠各一錢 麝香一分

右為末每服一豆許諸驚薄苛湯下潮熱甘草湯下月內用

乳汁調塗乳頭令吮之

葱號散治初生小兒七日不小便

葱白三 人乳 共同搗如泥傅兒口內即與吮乳

蠶號散治初生兒七日不乳名撮口

僵蠶四個去茯苓許少共為末蜜調傅兒口內
僵蠶膏治撮口用真僵蠶二枚去嘴畧炒為末蜜調搽口中
撮風散治撮口

鈞藤鈎 朱砂 赤脚蜈蚣半條真僵蠶焙蝎稍各錢麝香一字
右為末每服一字竹瀝調下
瓜蒂散治臍風撮口

瓜蒂七個赤小豆 秫米各七
右為末用一豆許吹兩鼻內令出黃水更調服吐黃水即瘥
大連翹湯治胎熱臍風小便不通及諸般瘡毒

連翹 瞿麥 荆芥 木通 赤芍藥
當歸 防風 柴胡 滑石 蟬殼
甘草炒各錢山梔子 黃芩

右為末每服二錢加紫草水煎熱甚加大黃更詳症加減
安臍散

羚羊角一錢畧炒亂髮一團燒令存性蜈蚣一條赤足者炙
右為末斷臍後即傅之以絹帕緊束恐犯風也
脉法

錢仲陽云小兒之脉氣不和則弦急傷食則沉緩虛驚則促急
風則浮冷則沉細脉亂者不治水鏡訣云陰陽運合男女成形
已分九竅四肢乃生五臟六腑部分既別逆順難明若憑寸口
之浮沉必乃橫亡於孩子須明虎口辨別三關消詳用藥始無
差誤未至三歲看虎口食指第一節名風關脉初見易治第二
節名氣關脉見病深難治第三節名命關脉見死不治三關青
是四足驚赤是水驚黑是人驚紫色瀉利黃色雷驚三關通度

是極驚之症必死或青或紅有紋如線一直者是乳食傷脾必發驚熱左右一樣者是驚與積齊發有三條或散是肺生風痰或似齶齶聲有赤是傷寒及嗽如紅火是瀉紅黑相兼主下痢青多白痢紅多赤痢紫色相兼加渴虎口脈紋亂主胃氣不和青是驚與積青黑發慢驚脈人掌乃內鈞指紋曲裡風盛營外食積此論三歲以上之法若三歲以下更用一指按高骨乃分三關定其息數呼吸八至為平脈九至不安十至危困浮主風沉遲主虛冷實主有熱緊主顛癇洪主熱盛沉緩主虛瀉微遲有積有蟲遲濇主胃腕不和沉主乳食難化沉細主乳食停滯緊弦主腹中熱痛牢實主大便秘沉而數者骨中有熱弦長是肝膈有風緊數乃驚風為患四肢掣顛浮洪乃胃口有熱沉緊主腹痛有寒虛濡者有氣又主慢驚乳主大便利血四歲以下

用一指袞轉尋三部以關為準七八歲移指少許九歲次第依三關部位尋取十一十二歲亦同十四十五歲依大方脈部位診視凡看脈先定浮沉遲數陰陽冷熱沉遲為陰浮數為陽更兼看部位青主驚風白主虛瀉赤主痰熱黑色病甚黃主脾疳以此相參察病治療庶無誤矣又全幼心鑑云小兒半歲之際有病當於額前眉端髮際之間以名中食三指曲按之兒頭在左舉右手在右舉左手食指為上中指為中名指為下三指俱熱主感風邪鼻塞氣粗發熱咳嗽若三指俱冷主外感風寒內傷飲食發熱吐瀉若食中二指熱主上熱下冷名中二指熱主夾驚之疾食指熱主胸滿食滯又當參辨脈形主之○流珠形主飲食所傷內熱欲吐或腸鳴自利煩躁啼哭用助胃膏消飲食分陰陽若食消而病仍作用香砂助胃膏以補脾胃○環珠

形主脾虛停食胸膈脹滿煩渴發熱用五味異功散加山楂枳
實健脾消食後用六君子湯調養中氣○長珠形主脾傷飲食
積滯肚腹作痛寒熱不食先用大安丸消其積滯次以異功散
健其脾氣○來蛇形主脾胃濕熱中脘不利乾嘔不食此痞邪
內作先用四味肥兒丸治疳後用四君子湯補脾○去蛇形主
脾虛食積吐瀉煩渴氣短喘急不食困睡先用六君子湯加枳
實健脾消積次以七味白朮散調補胃氣○弓反裡形主感冒
寒邪噎氣出氣驚悸倦怠四肢稍冷小便赤色咳嗽吐涎先用
惺惺散助胃氣祛外邪後以五味異功散加茯神當歸養心血
助胃氣若外邪既解而驚悸指冷脾氣受傷也宜用七味白朮
散補之若悶亂氣粗喘促噎氣者難治脾虛甚故也○弓反外
形主痰熱心神恍惚夾驚夾食風癩痰盛先以天麻防風丸祛

外邪又用五味異功散調中氣○鎗形主風熱生痰發搐先用
抱龍丸如未應用牛黃清心丸若傳於脾肺或過用風痰之藥
而見一切諸症者專調補脾胃○魚骨形主驚痰發熱先用抱
龍丸治之如未應屬肝火實熱少用抑青丸以清肝隨用六味
丸以補肝或發熱少食或痰盛發搐乃肝木尅脾土用六君子
湯加柴胡補脾土以制肝木○水字形主驚風食積胸膈煩躁
頓悶少食或夜啼痰盛口噤搐搦此脾胃虛弱飲食積滯而木
尅土也先用大安丸消導飲食次以六君子湯補中清肝若
已服消食化痰等劑而病不愈者用四君子升麻柴胡鈞藤鈞升
補脾氣平制肝木○針形主心肝熱極生風驚悸頓悶困倦不
食痰盛搐搦先用抱龍丸祛風化痰次用六君子加鈞藤鈞平
肝實脾○透關射指形主驚風痰熱聚於胸膈乃脾肺虧損痰

邪乘聚先用牛黃清心丸清脾肺化痰涎次用六君子湯加桔
 梗山藥補脾土益肺金○透關射甲形主驚風肝木尅制脾土
 之敗症急用六君木香鈎藤鈎官桂溫補脾土未應卽加附子
 以回陽氣多得生者嘗聞古人云小兒爲芽兒如草之芽水之
 源蓋因臟腑脆嫩口不能言最難投劑當首察面色而知其所
 屬次驗虎口以辨其所因實爲治法之簡要也

虎口三關脉紋




十三指形


流珠形



長珠形



環珠形



來蛇形



去蛇形



弓反外形



弓反裏形



鎗形




魚骨形



針形



水字形



透關射指形



透關射甲形



流珠只一點紅色環珠差大長珠圓長已上非謂圈子總皆經
 脉貫氣之如此來蛇卽是長珠散一頭大一頭尖去蛇亦如此
 分上下朝故曰來去角弓反張向裡爲順向外爲逆鎗形直上
 魚骨分開水字卽三脉並行針形卽過關一二粒米許射甲命
 脉向外透指命脉曲裡雖然余常治之亦有不專執其形脉而
 投劑者蓋但有是症卽服是藥而亦多驗

治驗

一小兒發熱吐瀉腹脹不乳其紋如流珠此脾胃氣傷先用
 香砂助胃膏後用六君子湯全愈
 一小兒寒熱作嘔飲食不入按其腹乃哭脉紋如長珠此飲
 食停滯也用大安丸吐瀉宿滯遂安但唇目抽動大便稀黃
 此病邪去而虛熱所迫也用六君子湯加釣藤鈎而愈

一 小兒胸腹膨脹發熱頓悶脈紋如環珠以手按腹即哭此屬脾胃虛而飲食停滯也先用保和丸一服前症如失更加煩渴按其腹而不哭此宿食去而脾胃復傷也用五味異功散加柴胡治之頓瘳

一 小兒不時乾嘔乳食不進肚腹膨脹脈形如來蛇此脾胃虛而成疳也用四味肥兒丸治疳佐以四君加蕪荑健中而痊後傷飲食吐瀉完穀形氣甚困四肢微搐視其紋如去蛇余曰且勿用藥次日吐止但搐而瀉青黃此脾土虛而肝木勝也用六君子加釣藤鉤而痊

一 小兒未及周歲氣短喘急乳食少進時或吐乳視其形如去蛇乃脾傷而食積先用六君子加山查枳實漸愈後乳食復傷吐瀉作渴先與胃苓膏繼與白朮散而愈

一 小兒睡臥驚悸發熱痰盛脈形如弓之向外此因驚木旺傷脾而食不消也先以天麻防風丸祛風定驚後用五味異功散壯脾止搐全痊

一 小兒沉默昏倦肢冷驚悸其紋如弓之向裏此屬胃氣虛而外感寒邪也先用惺惺散以解外邪調胃氣諸症頓愈但手足逆冷又用六君子湯調補元氣而安

一 小兒患咳嗽服牛黃清心丸加喘促腹脹余視其右臉色赤紋指如鎗屬脾氣復傷用六君子湯頓安

一 小兒沉困發熱驚搐不乳視其脈紋如亂魚骨此風熱急驚之症也先用抱龍丸少許祛風化痰後用六君子湯加柴胡壯脾平肝而愈

一 小兒咳嗽發熱右臉赤色作渴煩悶倦怠少食肚腹作脹

一小兒發熱夜啼乳食不進昏迷抽搐痰盛口噤脈紋如水字此脾肺氣虛風木所乘痰食積於胸腹也先用大安丸後用六君子加釣藤鈎而愈

一小兒發熱右臉赤咳嗽痰盛其脈紋透關射指余以為風邪蘊結於肺而痰作也用二陳加桑皮杏仁桔梗治之自用發散降火之劑風痰不退發熱益甚余曰此脾肺氣虛治失其宜遂用五味異功散加炒桔梗漸愈又用六君子湯

一小兒停食發熱服苓連三稜厚朴等劑飲食日少胸腹膨脹其紋透至指甲用補中益氣湯加木香釣藤鈎溫補脾氣平制肝木數劑漸効又用六君子湯加炮薑治之而安其間

間泛用金石腦麝祛逐之劑變驚而歿者不能枚舉惜哉香砂助胃膏 方見熱吐 五味異功散 六君子湯 二方見內鈎 太安丸 方見虛羸 四味肥兒丸 方見嘔吐 四君子湯 方見內鈎 七味白朮散 方見腹痛 惺惺散 天麻防風丸 二方見咳嗽 抱龍丸 方見傷寒 牛黃清心丸 方見急驚 抑青丸 方見驚啼 六味丸 方見腎臟 保和丸 方見虛羸 胃苓湯 方見霍亂吐瀉 二陳湯 方見寒冷嘔吐

變蒸

巢氏云小兒變蒸者以長氣血也變者上氣蒸者體熱傳陽云變者易也又云變蒸者自內而長自下而上又身熱故每變畢

保嬰撮要卷之一 三

卽覺性情有異於前何者長生臟腑意智故也何謂三十二日
長骨添精神人有三百六十五骨以象天數以應期歲以分十
二經絡自初生至三十二日一變生癸屬足少陰經腎藏精與
志六十四日二變一蒸生壬屬足太陽經膀胱腑其發耳與眦
冷腎與膀胱合俱主於水天一生水地六成之至九十六日三
變生丁屬手少陰經心藏神其性爲喜至一百二十八日四變
二蒸生丙屬手太陽經小腸腑其發汗出而微驚心與小腸合
爲火地二生火天七成之至一百六十日五變生乙屬足厥陰
經肝藏魂喜哭至一百九十二日六變三蒸生甲屬足少陽經
膽腑其發目不閉一作而赤肝與膽合主木天三生木地八成
之至二百二十四日七變生辛屬手太陰經肺藏魄主聲至二
百五十六日八變四蒸生庚屬手陽明經大腸腑其發膚熱而

汗或不汗肺與大腸合主金地四生金天九成之至二百八十
八日九變生巳屬足太陰經脾藏意與智至三百二十日十變
五蒸生戊屬足陽明經胃腑其發不食腹痛而吐乳脾與胃主
土天五生土地十成之又手厥陰經心包絡爲臟手少陽經三
焦爲腑此一臟一腑俱無狀故不變而不蒸也前十變五蒸乃
天地之數以生成之此後如生齒能言知喜怒故云始全也太
倉云氣入四肢長碎骨於十變後六十四日爲一大蒸計三百
八十四日長其經脈手受血故能持物足受血故能行立經云
變且蒸謂蒸畢而足一歲之日有餘也師曰不汗而熱者發其
汗大吐者微止不可別治又六十四日爲二大蒸計四百四十
八日又六十四日爲三大蒸計五百一十二日至五百七十六
日變蒸旣畢兒乃成人也變者生五臟也蒸者養六腑也變者

上氣蒸者發熱每經一變一蒸情態即異輕則發熱微汗其狀似驚重則壯熱脉亂而數或汗或吐或煩啼躁渴輕者五日解重者七八日解其候與傷寒相似亦有變蒸之餘續感寒邪者但變蒸則耳冷飀冷上唇發泡如濁珠若寒邪搏之則寒熱交爭腹中作痛而啼叫之聲日夜不絕變者易也蒸於肝則目眩微赤蒸於肺則噎咳毛聳凡五臟六腑脉骨循環各有證應其治法平和者散表之真熱者微利之可服紫霜丸黑散子柴胡湯有寒無熱并吐瀉不乳多啼者當歸散調氣散主之變蒸之外小兒體貌情態自然平和抵人得中和之道以為純粹陰陽得所剛柔兼濟氣血和而百脉順所以心智益通精神俱備臟腑充實形體固壯齒細髮黑聲洪睡穩此乃受氣充足稟性得中而無疾爾前症蓋小兒所不免者雖勿藥亦可也前藥

峻烈非惟臟腑之不勝抑且反傷氣血余常見一小兒至一歲發熱有痰投抱龍丸一粒卒至不救觀此可驗慎之慎之其有不熱不驚略無症候而暗變者蓋受胎氣壯實故也

紫霜丸 方見撮口

紫陽黑散治變蒸解利熱氣

麻黃 去節 兩不 大黃 半兩 杏仁 去皮 二分半 研

右以前三味和一處杵碎略燒存性後入杏仁膏和之密盛貯每用一豆許乳汁和嚥之

柴胡湯治變蒸骨熱心煩啼叫不已

人參 二錢 甘草 微炙 二錢 麥門冬 去心 二錢 龍胆草 酒炒 黑 防風 各一錢

柴胡 分五 右每服一錢水煎

當歸散治變蒸有寒無熱

薛氏醫按 保嬰撮要卷之一 左 守正

當歸錢二 木香 官桂瓣 甘草炙 人參各一錢

右每服一錢薑棗水煎

調氣散治變蒸吐瀉不乳多啼欲發慢驚
木香 附子 人參 橘皮 藿香 甘草各一錢

右為末每服一錢薑棗水煎服

肝臟
錢仲陽云肝主風實則目直大叫項急煩悶虛則咬牙呵氣熱則外生風氣溫則内生風大青膏散之若能飲水不止用大黃丸微下肝熱則目直不欠食之搐手尋衣領及亂捻物瀉青丸主之壯熱飲水喘悶瀉白散主之肝病秋見肺怯不能勝肝也當用益黃散補脾瀉青丸治肝肝有風則目連取得心熱則搐用瀉青丸治肝導赤散治心甚則身反張目直不搐則心不受

也當用地黃丸補腎瀉青丸治肝唇白者不治又張潔古云肝主風自病則風搐拘急若心乘肝為實邪肺乘肝為賊邪腎乘肝為虛邪凡肝得病必先察其肺腎腎者肝之母肺者肝之賊今肝之得病若非腎水不能相生必是肺金鬼邪來尅故其來在肺先治其肺攻其鬼也其來在腎先補其腎滋其源也然後審其本臟之虛實而寒溫之竊謂前症若肝經實熱而外生風者宜用大青膏散之若既服而前症仍作或益甚者此邪氣已去而脾氣虧損也宜用異功散加芎歸補之若肝經虛熱或因尅伐而内生風者宜用異功散地黃丸補之若風邪入臟能食飲冷大便秘結者此邪氣內實也宜用大黃丸下之若既下而食少飲湯或腹作脹者此脾氣內虛也宜用白朮散補之氣血素弱或因病後或服功伐之劑而手尋衣領咬牙呵欠目淡青

者乃肝經虛甚也急用地黃丸以補腎肝哽氣短氣長出氣乃
肺經虛甚也急用異攻散以補脾肺若申酉時叫哭直視呵欠
頓悶項急驚悸手足搖動發熱飲水者此風火相搏而勝肺金
也用柴胡梔子散以治肝火生肝血用異功散補脾土生肺金
若唇白者為脾絕不治夫嬰童之症多因妊娠厚味七情或兒
乳哺失宜或乳母飲食鬱怒所致病氣既見形氣已虛當推其
所因用藥加漏蘆以治其母兒飲一二匙後倣此
大青膏治傷風痰熱發搐

天麻

青黛各一錢

白附子煨

烏蛇

酒浸取肉焙

蝎尾

各五分

天竺黃

麝香各一字

右為末生蜜丸豆大每用半粒薄荷湯化下

大黃丸治風熱裏實口中氣熱二便秘赤飲水不止

青牽牛

一半生

川芎

各半兩

甘草

一錢

大黃

一兩酒洗飯上蒸

右為末糊丸麻子大每服數錢溫蜜水乳後服以溏利為度
量大小用

愚按前症既屬裏實二便秘法當疎下若初服雖未通利而
病勢已退不可再服如二便未利病勢未退當減數丸研化
服之恐過劑則元氣傷而變病也

瀉青丸治急驚發搐眼赤睛疼

當歸

龍膽草炒

川芎

防風

大黃炒

羌活

梔仁

各等分

右為末煉蜜丸芡實大每服一丸砂糖湯化下

愚按前方足厥陰經解散肌表疎通內熱之藥也若大便秘
結煩渴飲冷飲食如常者屬形病俱實宜用此以瀉之若大
便調和煩渴飲冷目淡青色屬病氣實而形氣虛宜用抑肝

益元散解中暑傷寒疲癯飢飽勞損憂愁思驚恐怒傳染
并汗後遺熱勞復諸疾兼解兩感傷寒百果酒食邪熱毒治
五勞七傷一切虛損內傷陰痿驚悸健忘癩癧煩滿短氣痰嗽肌
肉疼痛肢脹悶痛淋瀝痛服石石淋瘡身熱吐泄瀉腸澼
下痢赤白除煩熱胸中積聚寒熱止渴消畜水婦人產後損
液血虛陰虛熱甚催生下乳治吹乳之瘡牙癢齒疳此菜大
養脾胃腎之氣通九竅六腑去留結益精氣壯筋骨和氣通
經脈消水穀保真元明目安魂定魄強志強身駐顏益
壽耐勞役飢渴乃神驗之仙菜也

小便自利者不宜用

散平之若大便不實作渴飲湯飲食少思肢體倦怠者屬形病俱虛宜用地黃丸補之大抵前症若因肝經血虛風熱先用四物湯加釣藤鈎以生肝血次用四君子湯以補脾土若因肝經血燥痰盛用地黃丸滋腎水生肝木四君加芍藥實脾土以平肝木若因攻伐而致脾土虛寒者急用六君子湯加丁香木香溫補脾土否則必變慢脾風也

抑肝散治肝經虛熱發搐或痰熱咬牙或驚悸寒熱或木乘土而嘔吐痰涎腹脹少食睡卧不安

軟柴胡

甘草

各五分

川芎

八分

當歸

白朮

炒

茯苓

釣藤鈎

各一錢

右水煎子母同服如蜜丸名抑青丸

小柴胡湯

加山梔牡丹皮名加味小柴胡

治肝膽經風熱癩癧寒熱往來日晡

發熱潮熱身熱不欲飲食或怒火口苦耳聾咳嗽或脇痛胸滿小便不利或泄瀉吐酸苦水或肢體搐動唇目抽搐並宜用之 方見變蒸

異功散

方見天鈎

地黃丸

方見臟腑

白朮散

方見積滯

柴胡梔子散

方見諸熱

導赤散

方見心臟

四物湯

方見急驚

四君子湯

六君子湯

二方見內鈎

加味清胃散

方見天鈎

補中益氣湯

方見虛羸

心臟

錢仲陽云心主驚實則叫哭發熱飲水而搐虛則困卧驚悸不安又云熱則睡中口氣溫及上竄咬牙而合面卧有就冷之意皆心熱也導赤散主之若仰面卧者乃心氣實氣不得上下流

薛氏醫按

保嬰女撮要卷之一

散

字

通也瀉心散主之心病冬見火勝水也當補腎治心輕者病自愈下竄不語者腎虛怯也又張潔古云心主熱若肺乘心為微邪肝乘心為虛邪脾乘心為實邪腎乘心為賊邪凡心臟得病必先調其肝腎肝氣通則心氣和肝氣滯則心氣乏此心病先求其肝清其源也五臟受病必傳其所勝腎之邪必傳於心故先治其腎逐其邪也若肝腎脈俱和然後察其心家虛實治之竊謂仰面卧者因其心胸實熱故喜仰面而向虛也合面卧者因心胸虛熱故喜合卧而就實也實則調治心肝虛則調補脾肺二者別之盡其狀矣其咬牙等症多有雷同不必拘泥如用瀉心導赤等劑邪氣雖去而病仍作當調補元氣或反甚急溫補元氣其心氣冬見或亥子時病益甚或下竄不語者乃腎水虛而心火甚也用地黃丸其乳下嬰兒須母服之

錢氏瀉心散治心經實熱

黃連

右為末每服五分臨卧溫水化下

愚按前症若叫哭發熱作渴飲水抽搐有力仰面而睡者屬心經實熱宜用瀉心散或導赤散若發熱飲湯抽搐乏力驚竄咬牙合面而睡者屬心經虛熱用補心散若喘嗽面赤壯熱飲水肺乘心也用瀉白散若搖頭目劓身熱抽搐肝乘心也用柴胡清肝散若合目昏睡泄瀉身熱脾乘心也用瀉黃散若竄視驚悸咬牙足熱腎乘心也用安神丸若因乳母致症亦用前藥以治其母

導赤散治小腸實熱小便秘結

生地黃

木通

甘草

等分

右為末每服一錢入淡竹葉水煎

愚按瀉心散導赤散瀉心小腸實火之劑蓋心為脾母脾為心子然心既病則脾土益虛矣用者審之

錢氏生犀散治心經虛熱

地骨皮 赤芍藥 柴胡 乾葛各一兩 甘草五錢 犀角二錢

右為末每服一二錢水煎新增

愚按前方云治心經虛熱其所用藥多屬瀉心瀉肝經之劑虛熱二字恐魯魚也如心經自病而血虛熱者用秘旨安神丸脾虛奪心之氣而熱者用秘旨補脾湯肝木不能生心火而虛熱者用地黃丸

秘旨安神丸治心血虛而睡中驚悸或受驚嚇而作

人參 半夏湯泡 酸棗仁炒 茯神各一錢 當歸酒洗

橘紅 赤芍各七分 五味子五粒 甘草炙三分

右為末薑汁糊丸芡實大每服一九生薑湯下

地黃丸 方見腎症 補心散 方見驚啼

瀉白散 方見肺臟 柴胡清肝散 方見熱症

瀉黃散 方見脾臟 秘旨補脾湯 方見驚啼

脾臟

錢仲陽云脾主困實則困睡身熱飲水或不飲水虛則吐瀉生風脾胃虛寒則面眇白目無精光口鼻氣冷肌體瘦弱吐水腹痛不思乳食用益黃散下利用調中丸傷風手足冷者脾臟怯也先用益黃散補脾後用大青膏發散脾病見四季皆倣此順者易治逆者難治脾怯當面赤黃若兼五臟相勝隨症治之又張潔古云脾主濕自病則泄瀉多睡體重昏倦若肝乘脾為賊

薛氏醫按

保嬰撮要卷之一

脾

脾

邪心乘脾為虛邪肺乘脾為實邪腎乘脾為微邪凡脾之得病必先察其肝心二臟蓋肝是脾之兒心是脾之母肝氣盛則鬼邪有餘心氣虧則生氣不足當用平肝氣益心氣若診其脉肝心俱和則脾家自病察其虛實而治之竊謂前症實者病氣實而形氣虛也若面色眊白吐瀉腹痛口鼻氣冷屬寒水侮土宜用益黃散若面青唇黯吐瀉手足並冷此脾土虛寒用乾薑理中湯若面色痿黃手足不冷此脾土虛弱用人參理中湯若傷風手足並冷吐痰咳嗽吐瀉腹脹此脾肺氣虛用五味異功散實脾氣加防風升麻散外邪若發於寅卯之時用六君柴胡升麻補脾土平肝木然面黃者脾之本色也面赤者火生土為順面青者木尅土為逆當平其所勝以補元氣為善

大青膏

方見肝臟

調中丸

方見脾胃虛寒

人參安胃散治脾胃虛弱傷熱乳食嘔吐瀉痢

人參

錢一

黃芪

錢二

生甘草

各五分

白茯苓

分四

陳皮

分三

黃連

分二

右為末每服二錢水煎

愚按東垣云益黃散內有丁香青皮之辛熱蓋為寒水侮土而設也若因熱藥巴豆之類損其脾胃或因暑熱傷乳食而成吐瀉口鼻氣熱而致慢驚者宜用前散

益黃散治脾虛吐瀉不食米穀不化困倦力少滑腸夜起并疳虛盜汗涎流口角

陳皮

一兩

丁香

二錢

訶子

炮去皮

右為末每服一錢水煎服

愚按前症若脾土虛寒或寒水侮土而嘔吐泄瀉手足並冷

或痰涎上壅睡而露睛不思乳食宜用此方若因脾土虛弱吐瀉者用六君子湯加柴胡如不應或手足俱冷屬虛寒也更加木香炮薑若因乳母脾虛肝侮必治以前藥若乳母鬱怒致兒患前症母服加味歸脾湯

錢氏瀉黃散

一名瀉脾散

治脾熱吐舌

藿香葉

甘草

各七錢五分

山梔仁

兩

石膏

五錢

防風

兩

右用蜜酒微炒為末每服一二錢水煎

愚按前症若作渴飲冷卧不露睛手足熱甚或遍身發黃屬胃經實熱宜用瀉黃散若作渴飲湯卧而露睛手足並冷屬胃經虛熱宜用異功散若面青搐搦乳食少思肝乘脾也用秘旨補脾湯若面赤驚悸身熱昏睡心乘脾也用秘旨安神丸若面白喘嗽肢體倦怠肺乘脾也用補中益氣湯若唇黑

泄瀉手足指冷腎乘脾也用益黃散病後津液不足口乾作渴宜用七味白朮散若乳母膏梁厚味七情鬱火所致當審其因而治其母

人參理中湯

方見傷寒表裏

五味異功散

六君子湯

二方見天鈞內鈞

肺臟

錢仲陽云肺主喘實則悶亂喘促或飲水虛則哽氣出氣短氣若肺盛復感傷寒則胸滿氣急喘嗽用瀉白散肺熱則手招眉目鼻面用甘桔湯肺虛熱則唇色深紅少用瀉白散肺怯則唇色白用阿膠散若悶亂氣粗喘促哽氣者難治肺病久唇白者此脾肺子母皆虛也若白如猪脂者吉白如枯骨者死如脾病春見肺勝肝也用地黃丸補肝腎瀉白散以沛肺目淡青必發

驚更有赤者當搐為肝怯也又張潔古云肺主燥自病則喘嗽燥則潤之若心乘肺為賊邪肝乘肺為微邪腎乘肺為實邪脾乘肺為虛邪凡肺之得邪必先觀心脾二臟之虛實若心火鑠金當抑心滋肺若脾氣虛冷不能相生而肺氣不足則風邪易感宜補脾肺若脾實中痞熱氣上蒸於肺宜瀉脾氣若心脾平和而肺自病當察虛實治之竊謂肺經鬱熱用瀉白散肺氣自虛用四君子湯外邪所乘用參蘇飲心火炎燠用人參平肺散中焦實痞用大承氣脾不能生肺用異功散夫肺氣盛者肺中之邪氣盛也其脉右寸必浮而有力宜用瀉白散以瀉之若肺虛而有熱者執肺熱傷肺之說而不用人參誤矣仍參某之瀉白散化痰止咳寬氣進食

地骨皮

桑白皮

炒各一兩甘草錢一

右為末每服一二錢入粳米百粒水煎

愚按活人方云喘者肺氣盛而有餘然氣盛當認作氣衰有餘當認作不足蓋肺氣盛者肺中之火盛也有餘者肺中之邪有餘也其脉右寸必浮而有方右頰色赤用前藥以瀉之前症若乳母感冒風寒肺經蘊熱致兒為患用參蘇飲若乳母膏梁醇酒積熱致兒是病用清胃散

甘桔湯治風熱上攻咽喉疼痛及喉痺妨悶

苦梗

一兩甘草二兩

右每服二錢水煎

阿膠散治肺虛咳嗽喘急或咳而哽氣喉中有聲

阿膠

一兩粉炒

鼠粘子

二錢五分炒香

甘草

一錢

馬兜鈴

半兩炒

杏仁

七個去尖

糯米

一兩

薛天醫安

果最要卷之一

七

七

右每服一二錢水煎

愚按前方乃直治肺金之劑經云虛則補其母若前藥未應當用五味異功散以補脾

地黄丸 方見腎臟

四君子湯 方見內鈞

參蘇飲 方見諸熱

人參平肺散 方見咳嗽

大承氣湯 方見傷寒表裏

異功散

清胃散 二方見天鈞內鈞

腎臟

錢仲陽云腎主虛無實症惟痘瘡實則黑陷更當分別症之虛實假如肺病又見肝症咬牙呵欠者易治肝虛不能勝肺也若目直視大叫哭項急煩悶者難治蓋肺病虛冷肝強實而勝肺也視病新久虛實虛則補其母實則瀉其子夫腎虛者由胎氣

不盛則神短顙開目多白睛面色眇白此皆難養縱長不過八八之數若恣色慾不及四旬而忘或有因病而致腎虛者又云腎氣不足則下竄蓋腎虛骨重惟欲墜下而縮身也腎水陰也腎虛則目無精光畏明皆用地黃丸腎病見夏水勝火也輕者病自退重者當驚發搐又張潔古云腎主寒自病則足脛寒而逆腎無實瘡疹黑陷乃實是水制火也若心乘腎為微邪肺乘腎為虛邪肝乘腎為實邪脾乘腎為賊邪本臟虛弱正令不行鬼賊尅害當補本臟之正氣假令肺病喘嗽見於初春當補腎見於夏救肺見於秋救脾見於冬補心瀉本臟乃名寒嗽大抵五臟各至本位即氣盛不可更補到所尅位不可更瀉然五行之中惟腎水一臟母盛而反受邪何則肺屬金射於皮毛所主者氣腎屬水主於骨髓所藏者精氣之輕浮能上而不能下精

之沉重能下而不能上此物性之自能今肺氣得熱而上蒸則不能下生於腎而受邪矣急服涼藥解之此腎病必先求肺或肺經之濕刑剋於腎宜去脾濕若脾肺平和而腎自病則察其本臟而治之竊謂下竄等症足不喜覆者蓋腰以下皆腎所主乃心氣下行於腎部也法用地黃丸壯腎水以制心火若因脾肺虛而不能生腎水者用補中益氣湯六味地黃丸以滋化源其瘡疹黑陷乃腎虛而邪氣貫也尤當用地黃丸

地黃丸

八錢

山茱萸

肉

乾山藥

各四錢

澤瀉

牡丹皮

白茯苓

各三錢

右爲末入地黃膏量加米糊丸

桐子大每服數丸溫水空心化下行遲鶴膝加鹿茸牛膝五加皮

愚按前丸治腎肝血虛燥熱作渴小便淋秘痰氣上壅或風客淫氣患癰結核或四肢發搐眼目瞶動或咳嗽吐血頭目眩暈或咽喉燥痛口舌瘡裂或自汗盜盜便血諸血或稟賦不足肢體瘦弱解顛失音或畏明下竄五遲五軟腎疝肝疝或早近女色精血虧耗五臟齊損或屬腎肝諸症不足之症宜用此以滋化源其功不可盡述

補中益氣

方見虛羸

保嬰撮要卷之二

薛氏醫按

吳郡薛鑑集 薛 已驗

江 都 吳中珩校

面上症

錢仲陽云左腮為肝右腮為肺額為心鼻為脾頰為腎色青主驚積不散欲發風候紅主痰積驚悸黃者食積癥傷欲作疳癖白主泄瀉水穀更欲作嘔黑主臟腑欲絕。印堂青主初患驚瀉紅主大驚夜啼黑主客忤。山根青主二次驚瀉後發躁黑黃甚者死。年壽平陷主天青主發熱生驚黑主利死紅主躁死微黃曰平黃甚曰霍亂。承漿青主食時被驚黃主吐逆亦主血利黑主驚風。面眼黑睛黃主有熱白睛黃主食積疳疔白睛青主驚風黑睛黃主傷寒。眉上青吉忽紅主煩躁夜啼

薛氏醫按

保嬰撮要卷之二

三

七

黃主霍亂久病紅者死。風氣二池青主風候紫主吐逆或發熱黃主吐逆赤主煩躁夜啼。兩顴赤主肺有客熱。兩太陽青主二次受驚青自太陽入耳者死紅主血淋。兩臉青主客忤黃主痰溢赤主風熱。兩頰赤主傷寒兩頤青主吐蟲。兩金匱青主第三次驚風黑達口三日死青連目入耳七日死。兩風門紅主風熱黑主疝青主水驚黑從眉入耳即日死唇黑不食者死。面青眼青肝病面赤心病面白肺病面黃脾病面黑腎病。額間赤色主心經有熱煩躁驚悸若飲水或叫哭屬本經實熱用瀉心散以清心火微赤困卧驚悸熱渴飲湯屬虛熱用秘旨安神丸以生心血青黑主驚風腹痛或癩瘖啼叫用五味異功散加木香柴胡鈞藤鈎補脾肝青黑主心腹作痛此寒水乘心用益黃散微黃主驚疳用安神丸。左臉青或兼赤

主肝經風熱項強頓悶目劓癩瘖用柴胡清肝散色微赤條熱咬牙屬虛熱用地黃丸青黑主肝剋脾而驚搐腹痛用六君子加薑桂微赤主潮熱血虛心躁先用秘旨安神丸次用地黃丸。右臉赤主風邪熱氣龕咳發熱飲為實熱用瀉白散若哽氣出氣唇白氣短屬虛熱用五味異功散若脾熱所傳用清胃散心火所刑用人參平肺散淡赤主潮熱心躁或大便堅秘用宣明柴胡飲子以疎導如潮熱未止更用鈎藤飲以清肝色青白主咳嗽惡心先用惺惺散解表邪健脾土更以六君子湯調補中氣色青黑主驚風腹痛盤腸內鈎用六君鈎藤鈎平肝補脾。鼻微黃為平赤主脾胃實熱身熱飲水乳食如常用瀉黃散清熱理脾微赤主脾經虛熱身涼飲湯乳食少思用五味異功散補中健脾色深黃主小便不通鼻中乾燥氣龕衄血乃脾

熱傳於肺腎先用濟生犀角地黄湯後用地黃丸色淡白乃脾
虛泄瀉乳食不化用六君子湯調補中氣青色主脾土虛寒肝
木所勝用五味異功散加木香炮薑溫中平肝黑為死候。顏
間色赤主腎與膀胱氣滯熱結而小便不通用五苓散以分利
鼻準微黃兼右腮微赤乃脾肺燥熱不能生化腎水用黃芩青
肺飲膀胱陰虛陽無所主用滋腎丸若頰間微赤乃膀胱陽虛
陰無所化用六味地黃丸若小腹胀滿或陰囊腫脹屬陰虛濕
熱壅滯用六味丸加車前牛膝脾肺氣虛不能通調水道者亦
用前藥其小便赤色久而尿血亦屬肝腎氣虛有熱用六味地
黃丸如不應則用補中益氣湯益脾肺生肝腎若小便後出白
津或莖中作痛屬肝經濕熱先用龍膽瀉肝湯後用六味地黃
丸。印堂青黑主腹痛夜啼此脾氣虛寒也脾為至陰故夜間

腹痛而啼用釣藤飲色淡白主泄瀉乳食不化屬脾氣虛弱用
五味異功散加木香。人中黃主傷乳胃逆青主下利乳食不
化噉氣酸腐此脾虛停滯先用大安丸消食後用異功散健脾
黑主蛔蟲咬痛。唇色白主吐涎嘔逆或吐血便血乃脾氣虛
弱不能攝涎統血歸源急用六君子湯色赤乾燥而皺者主脾
經熱渴大便不通煩熱不寐先以清胃散治其熱次以四君黃
連山梔調其脾黃主食積泄瀉乳食不化以六君子湯健脾色
赤兼白主衄血乃脾肺虛熱不能攝血歸源用聖濟犀角地黃
湯清熱補血用四君子湯以補脾氣如久不應用麥門冬散或
人參安胃散。口畔色黃主脾經積熱用清胃散久病用四味
肥兒丸以治疳熱唇口抽動主驚熱不安用異功散加山梔釣
藤鈎補脾平肝若口流涎唇色紫乃脾氣虛寒用異功散加炮

薛氏醫案 傷寒掛號卷之二 三十一 守記

薑木香若腹中痛口吐涎乃蟲作痛先用蕪荑散後用調中丸
不吐涎是積痛也用異攻散手足厥冷用理中湯加烏梅溫補
中氣而痛自止或吐後或大便去後而痛止者先用下積丸後
用異功散○白主失血死青主驚風死黑色繞口者不治耳後
微赤此少陽經風熱用柴胡飲子清肝生血微黃主睡中驚悸
咬牙用四君子加芎歸升麻以調理脾氣○耳乾燥主骨疔蒸
熱作渴盜汗用地黃丸若小便後出白津或玉莖痒痛屬肝經
濕熱先用龍膽瀉肝湯後用地黃丸若稟賦腎氣不足或早近
女色致小便澁滯或作痛如淋者急用地黃丸補中益氣湯滋
其化源或大小便去後穀道牽痛者其虛尤甚用前丸加牛膝
車前肉桂如手足逆冷或畏寒少食陽氣虛寒也急加附子多
可得生大抵多因稟賦臟氣不平或乳食寒暑失節或妊娠乳

母飲食起居六淫七情所致若初病元氣無虧乳食如常發熱
壯熱二便秘結作渴飲水睡不露睛者悉屬形病俱實當治邪
氣若病久元氣已虧食少發熱口乾飲湯嘔吐泄瀉肢體畏寒
而露睛者悉屬形病俱虛當補正氣更宜審胎氣之虛實臟腑
之相勝而治之庶無悞矣

瀉心散

秘旨安神丸 二方見心職

五味異功散 方見內鈞

朱砂安神丸 方見發搐

柴胡清肝散 方見諸熱

地黃丸 方見腎臟症

六君子湯 方見內鈞

瀉白散 方見肺臟

清胃散 方見內鈞

補中益氣湯 方見虛羸

人參安胃散 方見脾臟

宣明柴胡飲子 方見發熱

釣藤飲 方見慢驚

惺惺散 方見咳嗽

薛氏醫案

保嬰最要卷之二

四

字

瀉黃散 方見脾臟

濟生犀角地黄湯 方見便

五淋散 方見五淋

發搐

錢仲陽云驚癇發搐男左視無聲右視有聲女右視無聲左視有聲此相勝也蓋左為肝部右為肺部金木相勝故耳若寅卯辰時身熱目上視手足動口流涎項強急此肝旺也已午未時身熱發搐心神驚悸目上視牙緊流涎手足搐動此心旺也申酉戌時身熱微搐而喘目微斜睡露睛手足冷大便淡黃水此肺旺也亥子丑時微搐卧而不安身微熱目緊斜喉中有痰大便色白困睡流涎此腎虛也若握拳拇指在內女為順拇指在外男為順順則易治逆則難愈若涎入心肝則不能言用涼心鎮驚下痰逆搐者不治吐瀉後變症者亦不治如手足冷汗搐

眉搐肚日夜不止名真搐當用人參湯川烏全蝎等藥平其胃氣傷風發搐口中氣熱呵欠手足動者名假搐用大青膏發散風邪傷食後發搐身熱困睡嘔吐不思乳食者當先定搐後用白丸子下之百日内發搐真者内生風二三次必死假者外生風雖頻發不死外傷風者用大青膏塗額門及浴體法○寅卯辰時搐而發熱作渴飲冷便冷屬肝膽經虛熱用柴芍參苓散作渴引飲自汗盜汗屬肝膽經血虛用地黃丸口吻流涎屬肝木尅脾土用六君子湯○巳午未時發搐若兼作渴飲水屬風火相搏以地黃丸補肝導赤散涼驚丸治心若作渴飲湯體倦不語土虛而木旺也用地黃丸以補腎六君子湯以補脾○申酉戌時微搐而喘目微斜身似熱睡而露睛大便淡黃屬脾肺虛熱用異功散手足逆冷或喘瀉不食屬脾肺虛寒用六君炮

薛氏醫案

保嬰要法卷之二

五

字

薑木香久病而元氣虛者用六君子六味丸二藥主之。○亥子
丑時微搐身熱目睛緊斜吐瀉不乳厥冷多睡屬寒水侮土用
益黃散未應用六君薑桂傷風發搐口氣不熱肢體倦怠用異
功散補脾土鈞藤飲清肝木若因風邪內鬱發熱而變諸症者
當理肺金清風邪若外邪既解而內症未除當理肺補脾若脾
經虧損而致驚搐等症者當補脾肺以平肝心則驚搐自止矣
若停食發搐嘔吐乳食者宜用消食丸若食既消而前症仍作
或變他症者脾土傷而肝木乘之也用六君子加鈞藤鈞以健
脾平肝若百日內搐者因胎氣所稟亦有乳母七情厚味所致
者當兼治其母而以固胃為先不可逕治其兒也

治驗

一小兒寅卯時發熱痰搐服抱龍丸而愈後復患因自用前

藥更加咳嗽氣喘不時發搐面赤或青黃或浮腫或流涎余
謂咳嗽氣喘乃脾肺氣虛不時發搐乃木乘土位面青面黃
赤乃肝助心脾浮腫流涎乃脾氣虛弱用益智丸以補心神
補中益氣湯以補脾肺頓愈

少叅王陽湖孫跌傷股骨正體科已續余視其面色青黃口
角微動此肝木侮脾之症且氣血筋骨皆資脾土以生但壯
脾氣則所傷自愈遂用六君鈞藤當歸三十餘劑諸症悉

一小兒兩日連劓手足發搐服天麻防風丸之類每發饑時
益甚得飲食稍定此肝木制脾土也用六君升麻柴胡鈞藤
鈞二劑而病痊又用補中益氣湯而全効

一小兒巳午時搐熱驚悸發時形氣倦怠而黃懶食流涎飲
湯此心火虛而不能生脾土也不信自服涼心之藥更加吐

瀉睡而露睛幾成慢脾風用六君薑桂佐以地黃丸而愈

一小兒七歲驚搐發熱不已已午未時益甚形氣殊倦熱定飲湯此心脾氣虛朝用補中益氣湯加益智仁夕用六君當歸釣藤鈎尋愈後飲食過多復作嘔瀉或治以保和丸友加寒熱發搐此脾土復傷而肝木所侮也用六君柴胡寒熱止而飲食進但午未時仍泄用補中益氣湯加茯苓半夏釣藤鈎而愈

一小兒百日內患搐痰涎自流用驚風藥益甚視其面色黃中隱白乃脾虛不能攝涎也用六君子補中益氣二湯而愈後復患兼氣喘自欲表散行痰余謂此肺虛不能納氣歸源耳用五味異功散加釣藤鈎柴胡調補脾肺清理肝火而安一小兒患前症面青黑或痿黃審其母素喜鬱怒用加味逍

遙散加味歸脾湯治其母而子亦愈矣

一小兒月內發搐鼻塞乃風邪所傷以六君子湯加桔梗細

辛子母俱服更以芎頭七莖生薑一片細搗攤紙上合置

中令熱急貼額門少頃鼻利搐止

一小兒未滿月發搐嘔乳腹脹作瀉此乳傷脾胃用五味異

功散加漏蘆令母服之子亦服匙許遂愈

一小兒驚悸痰盛瀉乳不消此感風邪夾驚肝侮脾而氣虛

先以天麻防風丸祛風定驚後用五味異功散肚脾止搐而愈

一小兒發熱拘急四肢瘈瘲左腮赤此心肝二經風熱先用

柴胡清肝散次用六味地黃丸而愈

一小兒發搐啼叫手足指冷左腮青黑此脾土虛弱腎水反

所侮也用六君薑桂一劑頓安又以四君芎歸及補肝散而愈

一小兒發熱作渴用瀉黃散大便重墜口角流涎仍欲瀉火
 余曰鼻準青白多而黃色少屬脾胃虛寒肝木所侮蓋口角
 流涎脾氣虛而不能攝也大便重墜脾氣陷而不能升也不
 信另用涼驚之劑果眉唇微動四肢微搐余曰此虛極而變
 慢風始用六君當歸木香炮薑釣藤鈎二劑未効意欲更
 藥余曰此藥力未至也仍加附子一片服之即安後去附子
 又二劑而愈

一小兒目內色青發搐目直上視叫哭不已或用牛黃清心
 丸更加咬牙頓悶小便自遺余謂此肝脾虛甚用補中益氣
 湯六味地黃丸而愈

一小兒發搐目劄屬肝膽經風熱先用柴胡清肝散以清肝
 後用六味地黃丸以補腎而愈

涼驚丸治驚疳熱搐心神驚悸白睛赤色牙關緊急潮熱流涎
 手足動搖

黃連五錢

龍腦一錢

防風

青黛三錢

釣藤鈎子二錢

牛黃

麝香各一錢

龍膽草

酒拌炒黑

右各另為末麪糊丸粟米大每服三五丸至一二十丸煎金
 銀湯下

愚按前方治心肝二經風熱若心肝虛而見驚搐潮熱用秘
 旨安神丸肝木乘脾者用異功散加柴胡釣藤鈎心脾虛弱
 而潮熱流涎者用異功散若虛寒更加木香不應更加炮薑

詳見滯頤

擦牙通關散治風搐搦關竅不通痰塞中脘留滯百節

南星一錢

麝香一字

牙皂

二錢燒存性

赤脚蜈蚣

一條

僵蚕各一錢

右為末薑汁醃藥少許擦牙或調服二三點涎自出
至聖保命丹治胎驚內釣腹肚緊硬啼叫不安及急慢驚風眼
目上視手足抽掣不省人事

全蝎十四個 去毒 防風二錢 白附子 炮南星 蟬殼

僵蚕去絲 煆炒 天麻 朱砂各一錢 麝香五分 金箔

右為末米糊和每兩作四十丸每服一丸白湯化下有熱者
以膽星易炮星

白餅子治傷食嘔吐肚疼噎氣先用此藥一服推下食積却用
惺惺散加減參蘇飲不可服冷藥

滑石 半夏 膽南星各一錢 輕粉 巴豆二十四粒 去皮膜用 水一升煮乾研爛

右以三味為末入巴豆輕粉研勻飯丸菜豆大每服三五丸
紫蘇湯下忌熱物量兒加減

十味安神丸治驚

人參 茯神 麥門冬 山藥各二錢 片腦二分

龍齒一錢 朱砂 甘草 寒水石各五分 金箔

右為末蜜丸雞頭大燈心湯調下一方有馬牙硝

浴體丸

天麻二錢 蝎尾去毒 朱砂各五分 烏蛇肉酒 浸焙 白礬各二錢

麝香一字 青黛二錢

右為末每服三錢水三碗桃枝一握煎至數沸温浴之勿浴
塗顙法治發搐

麝香字 蝎尾去毒 薄荷葉三分 蜈蚣 青黛末 牛黃各一字

右同研末用熟棗肉劑為膏新綿上塗勻貼顙上四方可出
一指許火上炙手頻熨百日裏外小兒可用此

薛氏醫案 佛嬰攝要卷之二 九 守平

瀉青丸 方見肝臟 導赤散 方見心臟

地黃丸 方見腎臟 益黃散 方見脾臟

蘇青膏 方見慢驚 大青膏 方見肝臟

目睛瞶動

目者肝之竅也肝膽屬風木二經兼為相火肝藏血血不足則風火內生故目睛為之瞶動經曰曲直動搖風之象也宜用四物益其血柴胡山梔清其肝陰血內榮則虛風自息矣若因肝經血燥而自病者用六味丸以滋其源因肺金尅肝木者用瀉白散以平金邪若眼瞶動者肝木乘脾土也用抱龍丸若愈後驚悸不寐或寐中發搐咬牙目睛瞶動者血虛不能榮筋脉也用補中益氣湯或歸脾湯加茯苓五味蓋有餘者邪氣實也不足者真氣虛也凡病氣有餘當認為不足况此症兼屬肝脾

多為慢驚之漸尤當審之

治驗

一小兒三歲因驚抽搐發熱久服抱龍丸等藥面色或赤或青余曰始因肝有實邪故宜用前藥今面色青赤乃肝經虛熱傳心矣遂用六味丸以養肝腎佐以六君升麻柴胡以補脾胃諸症頓痊

大尹周應昌子患瘰癧恪服化痰之劑虛宜用六君子湯

瀉青丸 方見肝臟 六味丸 方見腎臟

四君子湯 方見天鈞 瀉白散 方見肺臟

唇口蠕動

唇為脾之華口乃肺之竅又陽明之脉環唇口而交人中陽明胃也是以脾胃虛者多有此症不獨病後而已夫脾主涎脾虛

薛氏醫案 佛嬰攝要卷之二 十 字四

則不能收攝多兼流涎或誤認爲痰而用祛逐之藥則津液益枯不能滋養筋脉遂致四肢抽搐病勢愈甚原其治法與慢脾風相同當用大補脾胃之藥加升麻柴胡切勿用青皮龍膽草之類兼察其色黃者脾弱也青者肝勝也青黃不澤木來尅土也青赤相兼木火風熱也黑爲寒水反來侮土白爲氣虛亡陽凡此宜用六君子湯加小柴胡湯若四肢微搐或潮熱往來或泄瀉嘔吐面色痿黃皆脾胃有傷也宜用白朮黃芪川芎當歸人參陳皮肉豆寇神麩甘葛白芍藥黃連炙甘草白茯苓以補胃氣若脾胃虛弱者用五味異功散虛寒加木香炮薑若脾氣下陷者用補中益氣湯以升其陽作渴者用七味白朮散以生津液若肝木侮脾者用補中益氣湯加茯苓半夏芍藥以治肝

補脾

治驗

一小兒傷食發熱唇動或用養胃湯枳實黃連山查之類更加腹脹午後發熱按其腹不痛余以爲服前藥飲食雖化而脾胃復傷也用六君子湯數劑而痊

一小兒傷食發熱嘔吐唇口服消導清熱之劑飲食已消熱赤如故余曰此胃經虛熱耳用四君子麻柴胡四劑而愈
一小兒素面白忽然目唇微動時面色黃青良久其唇口手足亦微動此脾虛而肝侮之也用五味異功散加鈞藤鈞白附子一劑而面青少退再二劑唇口動亦止又用異功散加升麻柴胡四劑而痊

一小兒暑月吐瀉目唇微動面色青白手足並冷仍用玉露散余謂已變慢脾風也當溫補脾腎不信後果歿

五味異功散

方見天鈞內鈞

補中益氣湯

方見虛羸

七味白朮散

方見積痛

六君子湯

方見天鈞

小柴胡湯

方見瘥症

四君子湯

方見天鈞

驚搐目直

小兒忽然驚搐目直者皆肝之風熱也若肝虛生風則目連劄而不搐及多欠咬牙若肝經風實則目直大叫呵欠項急頓悶若肝經有熱則目直視不搐得心熱則搐氣熱則外生氣溫則內生其症手尋衣領及亂捻物宜用瀉青丸壯熱飲水喘悶宜用瀉白散凡病之新久皆能引肝風風內動則上入於目故目為之連劄若熱入於目牽其筋脉兩皆俱緊不能轉視故目直也亦有飲食停滯中焦致清陽不升濁陰不降肝木生發之氣不得升致生虛風者須詳審之若胸滿腹痛嘔吐惡食輕則消

導化痰重則探吐滯積更須審其所傷寒物熱物亦有因感冒吐瀉致使土敗木侮而生虛風者不可遽服驚藥宜用六君子加芍藥木香柴胡制肝補脾若因脾土虛而自病者用五味異功散凡飲食停滯痰涎壅滿而見驚症者實因脾土虛弱不能生金金虛不能平木故木邪妄動也宜健脾消食其症自愈若輒用驚風之藥反成其風而益其病也况臟腑脆嫩不可投以峻厲之劑治者慎之

治驗

姚儀部子每停食則身發赤暈此飲食內停不消鬱熱發外黑清中解鬱湯而愈後患搖頭咬牙痰盛發搐吐出酸味伺其吐盡翌日少以七味白朮散調理脾胃遂不復患
一小兒停食服通利之劑作嘔腹脹此脾胃復傷也用補中

益氣湯而愈

一小兒兩目動劄手足發搐數服天麻防風丸之類前症不愈其痰益甚得飲食稍愈視其準頭及左頰色青黃余曰脾主涎此肝木尅脾土不能統攝其涎非痰盛也遂用六君升麻柴胡鈞藤二劑飲食漸進諸症漸愈又用補中益氣湯而九味養脾湯治小兒大病後面黃肌瘦目動咬牙髮少未能強步因誤服解表瀉利傷尅諸藥而致者宜長緩調理全復氣

白朮

一錢二分

白芍

酒炒

白茯苓

各八分

川芎

各六分

甘草

炙

黃芪

蜜炙

當歸

半夏

山查

麥門冬

各六分

右用薑棗水煎服

六君子湯

五味異功散

二方見天鈞

清中解鬱湯

方見丹毒

補中益氣湯

七味白朮散

方見積痛

天麻防風丸

方見傷風咳嗽

睡中驚動

小兒睡中驚動由心腎不足所致蓋心主血與神肝藏血與魂肺主氣與魄腎主精與恐小兒臟腑脆弱易為驚恐恐則氣下驚則心無所依神無所歸且夫人之神氣寤則行於目寐則棲於腎今心腎既虛則不能寧攝精神故睡中驚動也治宜清心安神用茯苓補心湯加酸棗仁茯神五味亦有驚嚇而作者因擊動其肝故魂不安也治宜鎮驚定魂用安神鎮驚丸若飲食間因驚而停滯者用六君子加神麩厚朴食既消而驚未定用茯苓補心湯若木火太過而心神不寧者用導赤散風熱相搏

五苓散

五苓散

五苓散

五苓散

者用柴胡梔子飲食鬱生痰驚動不安者用四君以健脾神麩
半夏以化痰山梔芍藥以清熱

治驗

一小兒夜睡忽然驚動如搐大便酸臭而色青此飲食傷脾
而肝旺也先用異功散如柴胡升麻山梔又用四味肥兒丸
一小兒不時睡中驚動發搐作渴飲冷左腮青額間赤先用
柴胡清肝散加鈎藤鈎四劑以治肝火後用五味異功散以
健脾又用地黃丸補腎肝而安

導赤散

方見心藏

柴胡梔子散

方見諸熱症即
梔子清肝散

六味丸

方見腎藏

四君子湯

六君子湯

五味異功散

三方見天鈞

茯苓補心湯

安神鎮驚丸

方見急驚

目動咬牙

小兒驚後目微動咬牙者皆病後亡津液不能榮其筋脉也亦
有肝驚虛熱而生風者當審其氣血有餘不足而治之其日中
發熱飲冷而動者氣有餘也用瀉青丸夜間盜汗及睡不寧而
動者血不足也用地黃丸或因肝經風邪傳於脾胃者亦令咬
牙先用柴胡清肝散次用五味異功散六味地黃丸若因脾胃
虛熱用補中益氣湯加芍藥山梔實熱用瀉黃散蓋牙牀屬手
足陽明故也若肝腎熱用六味地黃丸

治驗

奚氏女六歲忽然發驚目動咬牙或睡中驚搐痰涎壅盛或
用化痰祛風等藥益甚余曰面青而見前症乃屬肝木尅脾
土不能攝涎而上湧也當滋腎水生肝血則風自息而痰自

消矣遂用六味丸而愈

一小兒患前症痰涎自流用驚風之藥其症益甚脾胃益虛

視其面色痿黃口中吐痰用六君子補中益氣湯而愈

導赤散

方見心藏

地黃丸

方見腎藏

瀉青丸

方見肝藏

補中益氣湯

方見虛羸

六味地黃丸

方見腎藏

六君子湯

方見天鈞

搖頭便血

經曰諸風掉眩皆屬肝木木得風則搖動乃肝經火盛而生虛風也湯氏治鄭都承子搖頭便血七年用祛風藥止血藥百試無効此肝經風熱所乘土受木尅不能攝血而潰入大腸故便血不止遂製清肝益胃湯以平肝益脾祛風熱兼服胃風湯旬餘諸症悉愈便血者風木搖動則土受凌虐而不能統血也或

食酸味過多以益其肝致令陰結經曰結陰者便血一升再結二升三結三升又邪在五臟則陰脉不和陰脉不和則血留之結陰之病陰氣內結不得外行滲入腸間故便血也血亦有乳母恚怒風熱熾盛或肝木傷脾使清氣不升或風邪侵入大腸者治法若因風熱用柴胡清肝散若因怒火用加味小柴胡湯若清氣不升脾氣下陷者用補中益氣湯若風邪侵於大腸者用清肝益胃丸肝經血熱妄行者用六味地黃丸脾土不能培肝木者用六君柴胡鈞藤鈞肝木勝脾土者用四君芍藥鈞藤鈞結陰者用平胃地榆湯

治驗

一小兒傷風咳嗽痰湧余謂脾虛肺弱腠理不密風邪外乘用六君子湯加桔梗桑皮杏仁而愈後飲食停滯作瀉腹脹

仍用六君子加山查厚朴而安又停食作瀉服消導之藥更
加咳嗽余謂當調補脾土不信自用發表剋滯前症益甚更
加搖頭余以天麻散倍加釣藤鈎及異功散而愈
一小兒項間結核面色痿黃肌體消瘦咬牙抽搐頭搖目劄
此肝木剋脾土也用六君子湯及九味蘆薈丸頓愈
一小兒病後遇驚即痰甚咬牙抽搐搖頭作瀉恪服腦麝朱
砂等藥以致慢驚而卒

清肝益胃丸

犀角屑 甘草 全蛇蛻炙 釣藤鈎子 麻黃去節
黃芪炙 羌活 防風 白芍藥 天花粉各半

右為未棗肉杵丸桐子大每服五十九丸食後薄苜湯下
海藏食療云蛇蛻主去風邪明自治小兒一百二十種疳痛

寒熱等症蠱毒安胎炒用又治風癩弄舌搖頭故前方用之
平胃地榆湯 治結陰便血

白朮 陳皮 茯苓 厚朴 葛根各五分
地榆七分 乾薑五分 炙甘草 當歸 炒神麩
白芍藥 人參 益智各三分 升麻 附子炮各一錢

右每服一錢水煎服

胃風湯 方見偏風口噤 柴胡清肝散 方見諸熱症

加味小柴胡湯 方見肝藏 補中益氣湯 方見虛羸

六味地黃丸 方見腎藏 瀉白散 方見肺藏

六君子湯 四君子湯 二方見天鈞

天麻散 方見內嗽 異功散 方見天鈞

九味蘆薈丸 方見疳症

偏風口噤

小兒偏風者屬少陽厥陰肝膽二經症也噤者筋急由風木太甚而乘於脾以勝水濕則筋太燥然燥金主於收斂勁切故也又曰風之為病善行而數變或左或右其因一也治須審而藥之若足陽明胃經氣虛風邪所乘其肋脉偏急者屬外因若足厥陰肝經風熱乘脾肋脉偏急者屬內因若脾肺虛弱腠理不密外邪所乘或服金石之劑耗損肝血或吐瀉後內亾津液不能養肝致口眼歪斜或半身不遂諸症皆屬肝血不足肝火生風宜滋腎水養肝血壯脾土治法脾胃虛而動風者異功散加柴胡鈞藤鈞脾肺虛而外邪所乘者用鈞藤飲肝火血燥者用六味地黃丸津液不足者用白朮散若兼目緊上視寒熱往來小便淋瀝面色青潔兩脇脹痛之類皆肝經之本病也或唇口

歪斜腹痛少食目胞浮腫面色青黃肢體倦怠之類皆肝木乘脾之症也當審五臟相勝而主之設執其見症槩投風藥反成壞症者有矣

治驗

一小兒口眼喎斜面色或青或赤此肝心風火乘脾也朝用柴胡清肝散夕用異功散加鈞藤鈞而愈其時有患前症服祛風導痰之藥者皆不能起

一小兒痢後患前症發搐面色痿黃肢體倦怠此元氣虛剋伐多矣余用補中益氣湯加鈞藤鈞子服而漸愈後因乳母七情飲食失宜或兒乳食過多前症仍作服補中益氣湯五味異功散而應

錢氏全蝎散治驚風口眼歪斜言語不正手足偏廢不舉

主火此風火相搏用柴胡梔子散倍加鈞藤鈞頓安而痰如
舊又用抱龍丸而愈

一小兒忽腰背反張服治驚之藥後不時舉發面色黃白肢
體甚倦余用五味異功散十餘劑而愈後因驚兼飲食不節
不時舉發隨用前藥即愈遂日以參朮末每服五七分炮薑
大棗煎湯調下服至二兩而不發已上二症元氣虛而病氣
實也若用攻邪之藥皆誤矣

一小兒素患前症痰盛面色素白而兼青余謂肺氣不能平
肝肝氣乘脾脾氣虛而生痰耳先用抱龍丸二服以平肝隨
用六君子湯以補脾肺月餘而痊半載之後復發謂非逐痰
不能全愈遂用下劑痰涎甚多而咽喉如鋸聲余曰乃脾不
能攝涎也咽間鳴乃肺氣虛甚也遂用人參五錢炮薑三分

水煎服而醒至第四劑後加棗二枚人參服數兩而愈後每
發非獨參湯不應若執常方鮮不有誤者

人參羌活散 方見驚風

小續命湯 方見五硬

保嬰撮要卷之二終

保嬰撮要卷之二終

